

棗強縣志卷第二

直隸棗強縣知縣臣任銜蕙恭紀

恩澤紀

康熙二十四年四月初十日

諭戶部朕撫御方夏愛養黎元早作夜思勤求治理閭閻疾苦無時不深軫念欲使民生樂業比屋豐盈惟當已責蠲租萬姓得沾實惠直隸地方頻遇旱災小民匱乏宜加恩恤順永保河等處圈占地方應徵康熙二十一年地丁錢糧已經詔行蠲免所有直隸八府康熙二十三年未完地丁錢糧盡與豁免其順永保河未經圈占地方及眞順廣大等處康熙二十四年應徵地丁各項正賦俱著免三分之一爾部速行該地方官通行曉諭務使人人得被膏澤以副朕勤恤民隱至意如有不肖有司借端朦溷私行重徵者或經叅奏或被告發定行從重治罪爾部卽遵諭行特諭

康熙二十五年十二月

諭戶部朕惟自古帝王撫馭寰區勤宣德意必軫恤民隱加惠閭閻俾黎元樂業比戶豐盈而後化協時雍治登隆理朕念切民依鞠謀生養欲使羣生樂利幹止寧成惟頻行減賦蠲租庶萬姓得沾實惠前念直隸畿輔重地王化所宜先大沛恩膏用培邦本而順永保河四府地方人民較之畿南差役倍多煩苦故將康熙二十六年地丁各項錢

糧同湖南福建四川貴州四省錢糧盡與豁免比慮兵餉
或有不敷真順廣大四府地方未經一體豁免今聞此四
府人民間有艱苦朕心深爲軫念宜速施渥澤均示仁恩
著將此四府康熙二十六年地丁各項錢糧盡行蠲免爾
部速行地方官通行曉諭務使人民均沾實惠以副朕愛
育蒼生至意如有不肖有司官役借端朦混私行重徵者
該撫指名題叅從重治罪如該撫徇隱不行糾舉或經叅
奏或被告發定行一併從重治罪爾部卽遵諭行特諭

康熙二十九年正月初十日

諭戶部朕撫育黎元早夜孜孜惟厚生是亟重念積貯民之
大命曾屢頒諭旨令各地方大吏督率有司於豐稔之年

棗強縣志卷一

恩澤紀

二

曉諭編氓務令多積米糧俾俯仰有資凶荒可備乃比年
以來未見實心奉行閭閻蓋藏不能充裕常平積穀視等
具文卽如畿輔近地偶罹旱荒民間蓄積鮮少致爲補苴
之術嗣後直省總督巡撫及司道府州縣官員於積穀事
宜切實舉行務令戶有餘糧倉庾充牣縱遇儉歲艱食無
虞以副朕愛養生民至意如有仍前玩愒苟圖塞責儻遇
災歉漫無儲備者將該督撫及地方各官一併從重治罪
爾部卽遵諭通行特諭

康熙四十五年五月十七日

諭戶部朕宵旰圖維勤求民隱每欲敷蠲貸之恩以爲閭閻
留有餘之力直隸山東地方四十二年偶遇災沴因特免

山東四十三四兩年額賦並四十一年以前積欠錢糧直隸則順天河間兩府四十四年額賦亦俱豁免今雖屢年收穫民氣漸舒而所有宿逋尚應輸納朕念黎元方有起色辦賦猶艱一時新舊並徵勢難兼應宜更加寬恤以宏休養直隸自康熙四十一年至四十三年各府屬未完民欠銀八萬二千七百兩有奇糧五千九百石有奇山東省康熙四十二年各府屬未完民欠銀一百六十九萬一千七百兩有奇糧五千九百石有奇或見在徵取或分年帶徵俱著通行蠲免俾小民悉除逋負之累儻應徵舊欠有見完納在官者卽准抵本年正賦諭旨到日各該撫速行所屬有司徧示曉諭有不肖官吏朦溷徵收不與開除明白者該撫卽時叅劾嚴加治罪爾部卽遵諭行特諭
康熙四十九年十月初三日

諭戶部朕恭膺

天眷祇承

列祖鴻庥統御萬方子育兆庶厪懷至治宵旰靡寧幸際海宇同風邊隅嚮化遐邇中外帖然衽席之安者是皆仰荷

天地

祖宗福佑之所致也方朕八齡踐祚之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民爲邦本勤恤爲先政在養民蠲租爲急數十

年以來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需槩從儉約各項奏銷浮冒亦漸次清釐外無師旅壞墳之煩內無工役興作之費因以歷年節損之儲蓄爲頻歲渙解之恩膏朕之蠲免履行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平旣久戶口日蕃地不加增產不加益食用不給理有必然朕洞矚此隱時深軫念爰不靳

敷仁用甦民力明年爲康熙五十年思再沛大恩以及吾民原欲將天下錢糧一槩蠲免因衆大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一週俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並歷年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠旣經豁免嗣後每年額徵錢糧務如數全完儻完不及額或別有虧空託稱

民欠則負國甚矣卽責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟朘削則閭閻咸得衣食滋殖無有失所而爲官吏者亦身名俱泰豈非昇平樂利之盛事歟爾部移文各督撫諭旨到日卽刊刻頒布徧示窮簷令咸知悉特諭

康熙五十六年十一月二十五日

諭戶部朕撫馭寰宇五十餘年夜寐夙興爲小民勤求生遂凡率土遠近皆期共享樂利聿成家給人足之休未嘗一日不厯諸懷也數十年以來各省正賦屢經全免歷年積欠亦已蠲徵偶有雨澤愆期或發倉廩散給或截漕糧賑

棗強縣志卷一

恩澤紀

五

救不惜數萬萬金錢米穀頻沛恩施誠念窮簷之艱慮其至於顛連失所耳近者民力雖已稍紓然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足朕每懷及此軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百八十兩有奇槩免徵收其漕項雖例不准免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一十四萬六千六百一十餘石內免徵各半爾部卽行文該督撫嚴飭所屬實心奉行徧加曉諭俾民間無徵催之累均霑實惠用稱朕撫卹羣黎至意倘有

不肖有司借端朦混私行徵收者該督撫嚴察叅處如該督撫失察一併從重處分爾部卽遵諭行特諭

雍正二年二月二十日

諭戶部朕軫念民依時厯宵旰遇有旱澇災荒惟恐窮黎失所雍正元年因直隸山東河南山西二麥歉收特遣廷臣發粟賑濟錢糧照被災地方分數已經蠲免停徵嗣蒙天庥雨暘時若四省秋成豐稔少慰朕懷但念四省頻歲荒歉較別省爲甚今百姓元氣方復若將兩年舊欠併於本年徵收民力不支爾部速行文各巡撫查明實在舊欠若干據實題報分作三年帶徵其已收在官者速飭起解毋令不肖有司借端蒙混致滋虧空

棗強縣志卷二

恩澤紀

六

雍正二年二月二十日

諭直省督撫朕惟四民以士爲首農次之工商其下也漢有力田孝弟之科而市井子孫不得仕宦重農抑末之意庶爲近古今士子讀書砥行學成用世國家榮之以爵祿而農民勤勞作苦手胼足胝以供租賦養父母育妻子其敦龐淳樸之行豈惟工賈不逮亦非不肖士人之所能及雖寵榮非其所慕而犒賞要當有加其令州縣有司擇老農之勤勞儉樸身無過舉者歲舉一人給以八品頂帶榮身以示鼓勵

雍正四年三月十二日

上諭去歲畿南被水深軫朕懷雖截漕發粟賑糶頻施然猶

恐小民甫經災沴之後無力供輸是以又特降諭旨將雍正四年錢糧通省俱令緩徵夫今年錢糧尚且緩徵則從前未完之項豈有轉行急徵之理今聞地方官竟有仍追比前欠者漠視民瘼莫此爲甚深負朕憂念斯民之至意著傳旨直隸總督速飭各地方官凡一切舊欠錢糧一槩緩徵其所有兵餉工料各項需用之處俱動藩庫銀兩撥給不得短少扣剋如地方官仍有私徵等弊一經查出定行從重治罪

雍正六年十月十四日

諭戶部直隸爲首善之地今歲春麥秋禾俱登豐稔民人樂業朕心深慰但地方有歷年帶徵之錢糧若令閭閻之間

棗強縣志卷一

恩澤紀

七

新舊並納雖逢豐稔之歲而民力未必寬然有餘因思歷年帶徵之項乃頑戶之所拖欠也明年額徵之項乃衆民之所輸將也若欲使小民共被恩澤惟有將明年之賦預行蠲免則比戶可以均霑查直隸額徵地丁等項二百四十三萬餘兩本地支銷俸工及兵餉驛站等項應給銀二百零二萬兩其應起運者計四十一萬七千八百九十兩著將雍正七年額徵錢糧內蠲免四十一萬七千八百九十兩爾部可確查分數行文該督通行所屬州縣一體敬謹遵奉以副朕愛養黎元加惠畿輔之至意倘官吏等私自多徵朦混中飽或地棍等包攬侵蝕作弊藏奸又或有司奉行不善使一姓不得均霑實惠經朕訪聞必重治其

罪並將總督司道等嚴加處分

乾隆十年六月

上諭我朝

列聖相承深仁厚澤無時不加意培養元元以期家給人足百年以來薄海內外物阜民康共享昇平之福朕臨御天下十年於茲撫育蒸黎民依念切躬行儉約薄賦輕徭孜孜於保治之謨不敢稍有暇逸常守節用愛人之訓凡以爲民也今寰宇敕寧旣鮮糜費之端亦無兵役之耗所有解部錢糧原爲八旗官兵及京員俸餉之所需計其所給較之宋時養兵之費猶不及十之一二至於各處工程爲利民之舉者取給於存公銀兩卽朕偶有巡幸賞賚所頒亦

棗強縣志卷二

恩澤紀

八

屬無幾是以左藏尚有餘積數年來直省偶有水旱朕加恩賑濟多在常格之外如前年江南被水撫綏安插計費帑金千餘萬兩凡此皆因災傷補救而沛恩膏者朕思海宇又安民氣和樂持盈保泰莫先於足民況天下之財止有此數不聚於上卽散於下仰惟我

皇祖在位六十一年蠲租賜復之詔史不絕書又曾特頒諭旨將天下錢糧普免一次我

皇考宵旰旰衣勤求民瘼無日不下減賦寬徵之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海澨山陬一民一物無不均沾大澤爲是特降恩旨將乾隆丙寅年直省應徵

錢糧通行蠲免欽此

乾隆三十五年正月元旦

上諭朕寅承丕緒撫有萬方申旦求衣無日不以勤恤民依
爲念是以劭農省歲減賦追徵不靳多費帑金蘄閭閻共
臻康阜溯在乾隆十一年丙寅朕御宇

周旬肇敷闔澤曾恭依

皇祖普免天下錢糧恩例蠲除直省額徵正賦二千八百萬兩
有奇越在三十一年丙戌際當必世興仁益惟比戶饒裕
是計復下詔將應徵漕米省分照康熙年例概蠲一次俾
各倉箱盈衍倍積耕餘邇年以來寰宇又寧民氣和樂惟
上天孚祐我邦家洵錫康年頌符綏履朕祇膺

棗強縣志卷二

恩澤紀

九

昊蒼鴻眷其可不究澤推仁以與我海內元元答茲
嘉貺我國家席全盛之模內外經費度支有盈無絀爲庫所
貯月羨歲增因思天地止此生財之數不在上卽在下與
其多聚左藏無寧使茅簷蔀屋自爲流通迺者仰紹
列祖貽庥化成熙洽爲民藏富欣際斯辰且今年爲朕六十誕
辰明歲恭逢

聖母八旬萬壽普天忭祝慶洽頻年尤從來史冊所未有是宜
更沛非常之恩以協

天心而彰國慶茲用乘春頒令誕布陽和着自乾隆三十五年
爲始將各省應徵錢糧通行蠲免一次其如何分年遞蠲
之處着大學士會同該部卽速詳議具奏欽此

乾隆四十二年正月二十四日

上諭前因

聖母萬壽特宏錫類之仁普蠲各直省錢糧以昭慶惠朕本欲
俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自戊戌
年為始普蠲天下錢糧仍分三年輪免俾寰宇億兆人民
仍得共被

慈恩永申感慕而朕終天罔極之忱雖不能仰酬萬一庶幾藉
茲稍展其如何輪派年分着戶部即速悉心核奏遵行

棗強縣志卷二

恩澤紀

十

核奏直隸地丁錢糧
於戊戌年全行蠲免

乾隆五十五年元旦

上諭朕賴

昊蒼眷佑既逾古稀欣開八袞幸得小康時懷大惕自乾隆十
年以迄四十二年特布恩綸普免天下錢糧業經三次矣
今歲屆朕八旬壽辰仰荷

天祖貽庥率土稱慶以至梯航重譯祝嘏來庭從古史牒實所
罕覩是以廣宣湛澗敷錫兆民用叶崇禱以答

嘉貺着將乾隆五十五年各直省應征錢糧通行蠲免其如
何按年輪蠲之處着大學士會同戶部即速核奏遵行

議於乾隆五十六年為始按照各直省實在額征銀數
將所屬之各府直隸州次第均勻搭配分作三次按年

輪免每年應免三分之一仍按上三屆普免之例
通計三年一律蠲完 冀州屬于五十六年蠲免

乾隆五十五年二月

上諭朕仰蒙

昊眷年屆八旬已降旨將各直省錢糧普行蠲免茲恭謁
兩陵巡幸山左凡鑾輅經臨之處童叟歡迎情殷愛戴允宜廣
敷愷澤普惠幾民因念直隸各屬節年因災緩征帶征銀
糧貧民無力完納積欠甚多着加恩將乾隆四十五年至
五十三年未完地糧銀全行豁免俾窮簷得免追呼共安
耕鑿用副朕省方觀民行慶施惠有加無已至意該部卽

遵諭行

棗強縣遵照全豁五十一年未完民欠地糧正銀一萬四千二十五兩三錢九分五十二分未完民

欠地糧正銀一萬三千二百六十三兩八錢二分一釐

棗強縣志卷二

恩澤紀

十一

乾隆五十九年正月初二日

上諭上年雨暘時若各省年穀順成新正應行加恩地方甚
少因令直隸各該督撫將因災帶緩未完之項據實查奏
嗣據各該督撫等奏到俱係節年因災輾轉停緩征未及
限均屬實欠在民等語此內直隸山東河南省因屢經
被旱歉收節次降旨加恩分年帶緩在小民疊荷渥恩一
遇豐稔之年自必輸將恐後但節年遞次爲數較多恐民
力不無拮据所有直隸山東河南省因災帶緩原限應扣
至甲寅乙卯丙辰年征收之銀俱着寬免十分之三該督
撫務須遍行曉諭咸使聞知毋任蠹吏奸胥侵欺影射俾
小民共沾實惠閭閻生計益資饒裕以副朕行慶施惠敷

錫春祺至意該部卽速遵諭行

棗強縣遵照寬免五十四年民欠十分之三

銀三百七十四兩八錢七分四釐五十分之三
地糧正銀五千六十四兩七分七釐五十分
欠十分之三
地糧正銀三千九百五十九兩五錢八分二釐

乾隆五十九年八月二十三日奉

旨本年直隸地方因河流漲發各州縣被水較多前已疊沛恩施優加撫卹蠲免秋糧其河間天津二府屬節年未完帶征緩征銀糧已降旨先行豁免並令梁肯堂將此外被水較重地方節年帶征緩征銀糧各數查明覆奏茲據戶部議奏該省通州等三十三州縣本年雖被水較重業蒙加倍賑卹此項帶征緩征銀糧均係應完正賦節年遞緩已屬恩施所有未完銀八十一萬五千五百餘兩穀六十三石八斗零豆六百五十九石五斗零酌請豁免一半等語固屬核實辦理第念通州等三十三州縣被水較重秋成失望現在積水雖消可期無誤播種秋麥而小民生計究覺拮据若將節年帶緩銀糧僅予豁免一半恐仍不免以官欠未清心存顧慮未得遂其含哺之樂所有通州涿州武清寶坻霸州固安永清東安薊州清苑雄縣蠡縣安州高陽新安正定無極藁城永年清河磁州大名元城饒陽安平隆平寧晉冀州衡水武邑棗強深澤玉田等三十州縣未完銀八十一萬五千五百餘兩穀六十三石八斗零豆六百五十九石五斗零俱著加恩全行豁免該督務當督飭所屬實心辦理毋任吏胥藉端侵扣務使利澤

及民以副朕軫卹災區加恩稠渥至意餘依議

棗強縣遵照全豁本

年民欠未完緩帶地糧正銀三萬一千一百二十二兩五錢四分四釐全豁節年民欠五十三四五六七八等年地糧正銀通共四萬九千三百八十四兩八錢四分九釐

乾隆六十年正月初七日

上諭前降諭旨普免天下積欠令各該督撫查明具奏昨據梁肯堂奏到直隸省尚有未完節年正耗地糧并折色口糧等銀二百一十七萬八千七百三十九兩零又未完節年出借倉糧并應征本色糧穀米豆等項一百一萬七千三百十九兩零俱着加恩寬免再直隸上年被災較廣疊降恩旨緩借兼施所有此項銀米是否即在所查數內該督摺內未經聲明亦着一體查明速行咨部題豁以示朕

棗強縣志卷二 恩澤紀

加惠窮簷普錫春祺恩施逾格至意

棗強縣遵照全豁乾隆五十三四五六七

八等年民欠未完耗羨銀通共一萬八百四兩一分二釐全豁節年民欠未完常平倉穀五百一石一斗又全豁乾隆五十七年災借口糧米八十五石七斗六升六合又全豁節年民欠未完社倉出借口糧穀七百九十石八斗又全豁節年民欠未完義倉出借穀三千八百三石七斗七升又遵照全豁乾隆五十八兩五錢五分六釐又全帶未完耗銀四千三百五十八兩五錢五分六釐又全豁乾隆五十九年秋借災民常平倉口糧穀一千五百石社倉口糧穀五百石義倉口糧穀一千石

乾隆六十年十月初八日

上諭朕自臨御以來勤求民隱日夜孜孜惟期藏富於民家給人足仰荷

昊蒼眷佑

列祖貽庥寰宇昇平重熙累洽行慶施惠闡澤頻加節經普免

天下漕糧三次地丁錢糧四次其餘遇有偏災隨時蠲賑
不下千萬億兩近將各省積欠錢糧概行蠲免又復數千
餘萬兩所以子惠元元休養生息者至周且渥今朕紀年
慶符周甲丙辰元旦舉行歸政典禮爲嗣皇帝登極初元
大廷授受篤祜延釐實爲曠古吉祥盛事允宜廣沛恩綸
俾薄海羣黎共霑渥愷本於新正傳位後降旨但思二月
間卽屆開征之期恐遠省接奉稍遲着卽將嘉慶元年各
直省應征地丁錢糧通行蠲免以示朕與嗣皇帝愛育閭
閻同錫恩施至意其如何按年輪免之處該部查照向例
核議具奏施行

冀州屬於嘉慶元年輪免

嘉慶六年七月二十一日

棗強縣志卷一

恩澤紀

十四

上諭熊枚奏續報被水各州縣分別災分輕重開單進呈一
摺內除勘不成災各州縣外所有續行查明被災較重之
寧河唐縣束鹿景州天津靜海鉅鹿南和雞澤大名元城
玉田豐潤栢鄉武強滄州平鄉清河十八州縣着加恩將
本年錢糧全行蠲免其被災稍輕之青縣唐山棗強獲鹿
樂城南樂遵化蔚州東光九州縣着加恩將本年錢糧蠲
免十分之五以示朕軫念災區恩施無已至意

棗強縣遵照蠲免十分

分之五地糧正銀一萬六千七百一十四兩八錢七分
三釐耗銀二千一百八十七兩二錢一分一釐五毫